

時
病
論
(三)



時病論卷之五目錄

夏傷於暑秋必痄瘧大意

暑瘧

風瘧

寒瘧

溼瘧

溫瘧

瘴瘧

痺瘧

牝瘧

痰瘧

食瘧

疫瘧

鬼瘧

虛瘧

勞瘧

瘧母

三日瘧

伏暑

秋暑

擬用諸法

清營捍瘧法

辛散太陽法

宣透膜原法

和解兼攻法

甘寒生津法

宣陽透伏法

驅邪辟祟法

補氣升陽法



營衛雙調法

雙甲搜邪法

清宣溫化法

備用成方

小柴胡湯

景岳木賊煎

嚴氏清脾飲

麻杏甘石湯

柴平湯

藿香平胃散

太無神朮散

人參敗毒散

咒法

附

截瘧七寶散

局方常山飲

子和常山飲

驚甲飲

四獸飲

追瘧飲

何人飲

休瘧飲

臨證治案

虛寒之體忽患暑瘧

暑瘧熱盛逼血上吐

截瘧太早變成腫脹



風瘧時邪乘入血室

寒瘧之證溫補治驗

溼瘧之證辛散獲效

溫瘧誤爲暑熱

產後瘧熱補至變

陰邪入腎發爲牝瘧

寒溼入脾證成牝瘧

瘧發昏迷治痰得效

時行疫瘧

鬼瘧屬陰得眾人陽氣解而

久瘡陰虛及陽

體虛癆瘡

瘡母破劑無效溫補鹹軟得安

瘡母攻破致死

三瘡擾傷氣血補益得效

產後三瘡久纏

伏暑過服辛溫改用清涼而愈

產後伏暑



時病論卷之五

安州劉賓臣先生鑒定

三衢雷豐少逸手著

受業

新安程曦錦雲
盈川江誠抱一

叅訂

夏傷於暑秋必痄瘡大意

經云、夏傷於暑、秋必痄瘡、謂夏令傷於暑邪、甚者
卽患暑病、微者則舍於營、復感秋氣涼風、與衛并
居、則暑與風涼合邪、遂成痄瘡矣、景岳云、痄者皆



也、總瘧之稱也、瘧者虐也、凌虐之義也、瘧之爲病、非止一端、當分晰而治之、考古有暑瘧、風瘧、寒瘧、溼瘧、溫瘧、瘴瘧、痺瘧、牝瘧、痰瘧、食瘧、疫瘧、鬼瘧、虛瘧、勞瘧、瘧母、三日瘧之名、臨證之時、不可不辨治也、暑瘧者、惡寒壯熱、煩渴引飲也、風瘧者、寒少熱多、頭疼自汗也、寒瘧者、寒長熱短、頭疼無汗也、溼瘧者、寒重熱輕、一身盡痛也、溫瘧則先熱後寒、因於冬令伏氣、瘴瘧則發時昏悶、因感山嵐瘴氣、痺

瘧則獨熱無寒、牝瘧則寒多熱少、又有頭痛而眩、
瘧發昏迷爲痰瘧、寒熱交併、噫氣惡食爲食瘧、
門合境、證皆相似爲疫瘧、寒熱日作、多生恐怖爲
鬼瘧、元氣本虛、感邪患瘧爲虛瘧、瘧疾患久、遇勞
卽發爲勞瘧、經年不愈、結成痞塊、藏於脇腹爲瘧
母、正氣本虛、邪客於腑、間兩日而作者爲三日瘧、
更有似瘧非瘧之伏暑、亦因伏天受暑而發於秋、
最難速愈、倘秋時炎熱於夏、而內並無伏氣、其見

證與陽暑相似者、名曰秋暑、此二證皆在乎秋、今
附論於斯、蓋恐誤爲瘧治耳、

暑瘧

暑瘧者、多因長夏納涼、感受陰暑、暑汗不出、則邪遂
伏於內、直待秋來、加冒涼氣而發、先賢云、暑氣內伏
者、陰氣也、秋涼外束者、陰邪也、新邪與衛氣并居、則
內合伏暑、故陰陽相搏而瘧作矣、其證惡寒壯熱、口
渴引飲、脈來弦象、或洪或軟、或著衣則煩、去衣則凜、



肌膚無汗、必待汗出淋漓而熱始退、治宜清營捍瘧、
法治之、如渴甚者、麥冬花粉佐之、凡瘧連日而發者、
則病淺、間日而發者則病深、間二日而發者則愈深、
矣、漸早爲輕、因正氣勝而外出、漸晚爲重、因邪氣勝
而內入、初起多實、宜以祛邪爲先、患久多虛、宜以養
正爲主、醫者須分淺深輕重虛實新久而治之、則庶
幾投劑有效耳、

張景岳曰、傷暑爲瘧、何謂陰邪、蓋陽暑傷氣、其證多

汗、感而卽發、邪不能留、其留藏不去者、惟陰暑耳、以
其無汗也、故凡患瘧者、必因於盛暑之時、貪涼取快、
不避風寒、或浴以涼水、或澡於河流、或過食生冷、
者邪不能居、未必致病、怯者蓄於營衛、則所不免、但
外感於寒者多爲瘧、內傷於寒者多爲痢、使能慎此
二者、則瘧痢何由來也、

風瘧

經云、夏暑汗不出者、秋成風瘧、
金鑑謂風瘧、先傷

於寒後傷於風、據此二說而論、是證之因亦由長夏
先受陰暑、至秋感風而發也、然而有暑無風惟病暑、
有風無暑惟病風、必風暑合邪始成瘧病、此雖與暑
瘧得病之因無異、發病之時亦同、但其見證自有攸
分、不可以不辨也、蓋風瘧之爲病、寒少熱多、不似暑
瘧惡寒壯熱、或著衣則煩、去衣則凜、風瘧則頭疼自
汗出、不似暑瘧肌膚無汗、必待汗出淋漓而熱始退、
風瘧之脈、弦而兼浮、不似暑瘧脈象純弦、或洪或軟、

若此分別投劑自合拍耳、初宜辛散太陽法去羗活、
加秦艽治之、必俟寒熱分清、始可進和解之法、總當
細審其因、可散則散、可和則和、可補則補、可截則截、
全在臨時活法耳、

江誠曰、細觀暑瘧風瘧、皆由長夏感受陰暑、並發
於秋、但暑瘧因秋涼所觸、風瘧因秋風所觸、以此
別之、毫釐無謬、

寒瘧



寒瘧者、緣於先受陰寒、或沐浴之水寒、寒氣伏於肌
腠之中、復因外感邪風、觸之而發、正合經云、寒者陰
氣也、風者陽氣也、先傷於寒、而後傷於風、故先寒而
後熱也、蓋寒瘧之脈證、弦緊有力、寒長熱短、連日而
發、或間日而發、發時頭痛微汗、或無汗乾熱、此當遵
古訓、體若燔炭、汗出而散之旨、擬用辛散太陽法治
之、如寒熱按時而至、方可繼進和解、今人不別何經、
動手概用小柴胡湯、則誤甚矣、

溼瘧

溼瘧之證、因於久受陰溼、溼氣伏於太陰、偶有所觸而發、發則惡寒而不甚熱、脈象緩鈍而不弦、一身盡痛而有汗、手足沉重、嘔逆脹滿者是也、俗謂脾寒、大概指是證耳、此宜宣透膜原法、使其邪化瘧除、但辛燥之劑、於陰虧熱體者、須酌用之、陽虛寒體者、更可加老蔻、藿、薑、所有斷截之法、不宜早用、用之非變膨鼓、卽成瘧母之病、瘧證殊多、總宜分別而治、

